

第三處：入法界

(三會)

一. 舍衛城祇樹給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

十 行	
歡喜行	善現比丘
饒益行	釋天主童子
無違逆行	自在優婆夷
無屈撓行	甘露頂長者
無癡亂行	法寶周羅長者
善現行	普眼妙香長者
無著行	滿足王
難得行	大光王
善法行	不動優婆夷
真實行	隨順一切眾生外道

入法界品善財童子五十三參之第十一會善現比丘(初行)之一

會 處		南方，救度國。
善財童子成就前法見當位善知識境界	聞法信行	時，善財童子頭面禮足，遶無數匝，辭退南行。
	智為先導入世間甚微細思惟	爾時，善財童子正念思惟甚深法門、
		思惟甚深法界、
		思惟甚深法地、
		思惟甚深眾生、
		思惟甚深諸行、
		思惟甚深眾生心流、
		思惟甚深眾生如光、
		思惟甚深諸法之性、
		思惟甚深眾生語法、
		思惟甚深法界圓滿莊嚴、
		思惟甚深種種業行、
		思惟甚深世間業所莊飾。
	見善知識見其境界	周遍尋求
		漸漸遊行，至救度國，於城都、聚落、村邑、市里、仙人住處、山林、曠野，周遍推求善現比丘。
		莊嚴顯相
	所依正智	見彼比丘在林經行，形貌端嚴顏容姝妙；其髮右旋如紺青色，頂有肉髻，身色紫金，其目長廣如青蓮華，脣口丹色如頻婆果，頸項圓直脩短得所，胸有德字勝妙莊嚴，七處平滿；其臂纖長，手指縵網金輪莊嚴，傭髀鹿膊，腰腹不現，師子上身如淨居天；其身圓滿如尼拘樹王，相好莊嚴如雪山王，出諸良藥，圓光一尋，
		諸根調伏，目視安諦，智慧無礙，猶如大海；其心不動，一切世間所不能壞，天龍八部恭敬圍遶。彼比丘經行時，地天持地，步天出寶蓮華隨覆其迹，無盡圓滿天除滅眾闇，覺天雨雜華雲，不動藏天現諸寶藏，普光勝虛空天莊嚴虛空，妙德海天散寶供養，離垢藏須彌山天合掌禮侍恭敬供養，無礙力天起香華風雲而供養之，夜天以莊嚴身五體敬禮，常覺日天持明淨寶幢莊嚴虛空除滅闇冥。
	發心陳述	
	爾時，善財往詣其所，頭面禮足，白言：大聖！我向阿耨多羅三藐三菩提求菩薩行，我聞大聖善能開導諸菩薩道，云何菩薩學菩薩行、修菩薩道，願分別說。	
善現比丘入世間成就	智正覺成就	答言：善男子！我年既少，出家日近，
		根本智
	差別智	自我生來，於三十八恒沙佛所淨修梵行，或於一佛所，七日七夜淨修梵行，或餘佛所半月、一月、一歲、百歲、億那由他歲、乃至不可說不可說歲，或一小劫、半劫、一劫、或阿僧祇劫、乃至不可說不可說阿僧祇劫，淨修梵行。彼諸佛所，聞法受持，不違其教，莊嚴諸願，究竟淨修菩薩諸行，具足六波羅蜜。
		知菩提境界，知種種法輪，守護佛法，乃至正法滅盡，嚴淨一切諸佛世界，出生三昧大願力故；究竟菩薩一切淨行，出生菩薩一切行願力故；淨一切佛諸波羅蜜，出生普賢諸行力故。
	菩薩成就	佛
		法
		僧
	善男子！我不離此經行處，悉見十方智慧無礙故；	
	一切法界悉現在前，於一念中過不可說不可說諸世界故；	
	於一念中嚴淨不可說諸佛世界，出生大願力故；	

入法界品善財童子五十三參之第十一會善現比丘(初行)之二

善現比丘依根本智成就入世間緣生法界	菩薩十一類入世間行法成就	精進	不可說不可說眾生方便門悉現在前，具十力智，出生普賢菩薩行願力故；
		禪定	見不可說不可說諸佛悉現在前，於一念中恭敬供養不可說不可說世界微塵等佛，恭敬供養如來願力故；
		般若	能聞受持不可說不可說諸佛法雲，分別了知阿僧祇諸法趣，出生法輪陀羅尼力故；
		方便	不可說不可說菩薩行悉現在前，一切諸行皆悉清淨，滿足菩薩因陀羅網行願力故；
		願	不可說不可說諸三昧海悉現在前，一切三昧皆悉淨滿一三昧，出生一切三昧力故；
		力	不可說不可說諸根海皆現在前，一切根輪隨順時輪，出生安住諸根際願力故；
		智	不可說不可說時輪悉現在前，能一切時轉淨法輪，出生究竟眾生願力故；
		總說	一切三世海悉現在前，分別一切世界三世，出生隨順智慧光明願力故。
	自法門		善男子！我唯知此隨順菩薩燈明法門。
	自宗門	本體智成就	諸金剛燈菩薩生諸佛家，具足成就不死命根無盡智慧；成無壞身，肢體具足，隨其所應悉能顯現；具妙形色，世無倫匹，毒刀火災所不能害；身如金剛不可沮壞，降伏眾魔制諸外道；
		法界智成就	身真金色超出世間，隨其所應無不聞見，普觀世間雨甘露法；普照一切滅諸障礙，見者無厭，拔斷一切諸不善根，起妙善根，難遇難見。我當云何能知、能說彼功德行？
	推薦精進		善男子！於此南方有一國土，名曰輸那，彼有童子名釋天主，汝詣彼問云何菩薩學菩薩行、修菩薩道。

入法界品善財童子五十三參之第十二會釋天主童子(二行)

會 處			南方，輸那國，善城門外河水之側。	
善財童子參訪第二行位	十波羅蜜聞法信行	佛	時，善財童子專求菩薩莊嚴正道，	
		法	菩薩諸力照心修行，	
		僧	菩薩無壞無盡諸功德行，	
		精進	成滿菩薩堅固大願，	
		禪定	以大莊嚴而自莊嚴，一切無畏，	
		般若	不退堅固正直之心，受持一切菩薩行雲，	
		方便	受持菩薩正法之雲而無厭足，	
		願	恭敬一切菩薩功德，	
		力	攝取一切眾生，常欲超出生死曠野，	
		智	樂欲見聞恭敬親近，於善知識心無厭倦；	
			頭面禮足，恭敬無量，隨順教誨，辭退南行。	
	周遍推求		爾時，善財童子與天龍大眾眷屬圍遶，至輸那國，周遍推求釋天主童子。	
見善知識發心陳述		時，虛空中有諸天龍而告之曰：善男子！此童子在善城門外河水之側。		
		爾時，善財見釋天主與一萬童子弄沙嬉戲，即詣其所，頭面禮足，遶無數匝，合掌恭敬，於一面住，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道，唯願解說。		
釋天主童子成就法波羅蜜	第二行位十波羅蜜	佛	得文殊智	答言：善男子！文殊師利教我相鑒子法，算數法、印法，我因知此三種法故；得一切巧術智慧法門。
		法	知世間書數	善男子！我因此法門故，知鑒子、算數、印性，疾病、中毒、為鬼所著、諸魔所持悉能消伏；立大小城、都邑、聚落、善惡之相、田業商估一切眾生身肢節相、
		僧	知眾生因緣	善趣惡趣行業之相，知此眾生之於善趣，知此眾生之於惡趣，此聲聞、此緣覺、此如來地諸方便相，如是等事我悉了知，普令眾生修學此法。
		精進成就	知菩薩算數	復次，善男子！我亦了知菩薩算數之法，所謂：百千為一羅叉、百千羅叉為一拘利、百千拘利為一那由他、廣說如阿僧祇品。
			十方世界微細算數	善男子！若有無量百由旬等大沙聚，我悉分別算知其數。善男子！如算法能知沙聚，算知東方一切世界，南、西、北方，四維，上、下，亦復如是。算知一切世界中一切劫、一切佛、一切法、一切菩薩、一切業，算數了知一切世界中一切四諦名號，亦復如是。
		自法門		善男子！我唯知此巧術智慧法門。
		自宗門知十種微細法數		諸大菩薩深入一切算數法門，算數一切法深入三世算數之法；算數一切眾生、算數一切法、算數一切佛、算數一切佛名號、算數一切菩薩、一切算數轉自在輪菩薩。我當云何能知、能說彼功德行，發明境界，讚歎諸力，顯正直心，說功德具，說諸大願，顯現清淨諸波羅蜜，說功德藏勝妙智慧。
	推薦精進		善男子！於此南方，有城名曰海住，有優婆夷名曰自在，汝詣彼問云何菩薩學菩薩行、修菩薩道。	

入法界品善財童子五十三參之第十三會自在優婆夷(三行)之一

會 處		南方，海住城。
善財童子成就前法而至當位淨行法門	聞法信行	時，善財童子聞善知識教，歡喜無量，得未曾有奇特正直心寶，其心弘廣，普覆眾生，得算數諸佛次第出世自在法門，淨法圓滿，智慧究竟，分別顯現一切諸趣，於三世境界無所障礙，出生無盡功德海心，得大智慧自在光明，斷三界縛；頭面禮足，右遶三匝，辭退南行。
	契入前法——十種善思惟	爾時，善財童子於善知識心無厭足，猶如大海吞納眾流；
		佛 善知識日，明淨慧光開發其心，
		法 猶蓮華敷長養一切善根，萌芽莖節枝葉功德大樹；
		僧 善知識月，能以清涼教法光明，除眾熱惱；
		精進 善知識者如夏雪山，眾獸所集樂；
		禪定 善知識心，猶如大海，眾寶充滿；
		般若 善知識教長養法身，如閻浮樹華果具足，心常樂住；
		方便 善知識教法譬如龍王，於虛空中神變自在；
		願 善知識教起大寶山，顯現一切；以善知識教而自圍遶，
		力 猶如帝釋降阿修羅，無能壞者。
		智
	求善知識	漸漸遊行至海住城，周遍推求自在優婆夷；時，有人言：善男子！此優婆夷在此城中深宮之內。善財聞已，往詣宮門，敬心而立；
	忍辱淨行波羅蜜成就	正報莊嚴 彼優婆夷所住之處，廣博嚴飾，眾寶垣牆，周匝圍遶；開置四門，阿僧祇寶以為莊嚴。善財進入，見優婆夷處師子座，年在盛美，容色殊妙，觀者無厭；除莊嚴具，素服被髮，身色光明，除佛菩薩餘無能及。
		菩薩相用 於其宮內數十億床，出過天人，菩薩宿世行業所造；衣服、飲食、眾妙寶物諸莊嚴具，常開四門，周給一切而無窮盡。
		一萬女眾眷屬圍遶，容色威儀悉如諸天，猶如莊嚴眾妙寶樹，口常演出天妙音聲，敬樂觀察此優婆夷，禮拜供養。
自在優婆夷	淨行波羅蜜成就	發心陳述進求善法 彼諸女身常出妙香普熏大城，若有聞者皆得不退菩提之心、無怒害心、無怨敵心、無慳嫉心、無幻偽心、無諂曲心、無貪愛心、無瞋恚心、無懈怠心、無量心、平等心、大慈心、益眾生心、淨持戒心、無求欲心，聞彼音聲皆悉歡喜，身心柔軟，其有見者皆得離欲。
		爾時，善財頭面禮彼優婆夷足，敬心右遶，於一面住，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道。
		器世間成就 答言：善男子！我成就無盡功德藏莊嚴法門，以一器食施百眾生，隨其所欲皆得充滿千眾生、百千眾生、億眾生、千億眾生、百千億眾生、那由他眾生、百那由他眾生、百千那由他眾生、乃至不可說不可說眾生、閻浮提微塵等眾生、乃至不可說不可說佛刹微塵等眾生，隨其所欲皆悉充滿而無損減。
		正法具足成就 又復施與上味美膳、輦輿、衣服、華鬘、妙香、末香、塗香、寶莊嚴具。又施床座、車乘、妙蓋、幢幡，如是等種種諸物，隨其所欲悉令充滿，皆大歡喜。
自在優婆夷	無上成就	善男子！於東方一世界、乃至不可說不可說世界、閻浮提微塵等世界、乃至不可說不可說佛刹微塵等世界中，一切聲聞、緣覺，食我食已，悉成道果。
		又於東方乃至不可說不可說佛刹微塵等世界中，一生補處菩薩，食我食已，降魔成道；南、西、北方，四維，上、下，亦復如是。

入法界品善財童子五十三參之第十三會自在優婆夷(三行)之二

自在優婆夷成就第三行位	淨行波羅蜜入世間利益成就	依根本智起	善男子！汝見我此一萬眷屬女不？
			唯然，已見。
		具足差別智	善男子！如是等百萬阿僧祇菩薩悉我同行、同願、同善根、同修道、同欲性、同淨正念、同清淨趣、同菩提無量、同得諸根、同心依果、同境界、同正趣離生、同真實義、同明正法、同具菩薩清淨妙色、同無量力、同堅精進、同正法音、同語言道、(十九種同於菩薩)
			同諸功德、同清淨業、同清淨報、同清淨大悲救護一切、同清淨業不違因緣、同清淨口業於一切佛眾隨其所應悉為說法、同恭敬供養諸佛、同決定知一切諸法、同得菩薩清淨諸地，(九種同於菩薩)
	十方顯用		此諸菩薩取我器食，於一念頃遍遊十方，供養一切聲聞、緣覺、菩薩、諸佛及施餓鬼，悉令滿足，而我器食無所損減。善男子！我此器食隨應諸天悉令充滿，乃至施人亦復如是。善男子！且待須臾，汝自見之。
			善財即見無量人眾從四門入，彼優婆夷皆令安坐，隨所適樂悉令充悅。
	自法門		善男子！我唯得此無盡功德藏莊嚴法門。
	自宗門精進		諸大菩薩無盡功德藏海猶如虛空，以無量功德熏修其心，如隨意寶，滿足一切眾生願故，大功德城悉滅一切諸貧苦故，功德須彌雨眾寶故，大功德藏開法城門故，功德燈明滅貧闇故，大功德蓋勝妙善根覆一切眾生故；我當云何能知、能說彼功德行？
	推薦精進		善男子！於此南方，有城名曰大興，彼有長者名甘露頂，汝詣彼問云何菩薩學菩薩行、修菩薩道。

入法界品善財童子五十三參之第十四會甘露頂長者(四行)之一

會 處		南方，大興城。
善財童子參訪四行位精進波羅蜜善知識	聞法信行	時，善財童子頭面禮足，遶無數匝，憶念不捨，辭退南行。
	前法契入	爾時，善財童子得無盡功德光明法門，正念思惟彼功德海，觀察彼虛空功德、趣彼功德聚、登彼功德山、攝彼功德藏、盡彼功德底、度彼功德海、淨彼圓滿功德、周遍觀察彼諸功德、隨彼功德藏、持彼功德教、淨彼功德性。(十二福德)
	於善知識精進尋求心生渴仰	漸漸遊行至大興城，周遍推求長者甘露頂，樂求善知識；以善知識熏其身心，於善知識起正直心，觀善知識常無厭足，學善知識勇猛精進，求善知識一切善根，同善知識一切善根，於善知識無嫌恨心，滿功德藏，學善知識種種方便；雖不由他悟而常親近諸善知識，長諸善根，淨修菩提正直之心，增長一切菩薩諸根，成就一切善根，滿足大願。發廣大悲，近一切智，不離諸佛；增長普賢菩薩所行，如來光明常照其心。
	見善知識依自成就所得顯相	爾時，善財見甘露頂於彼城內，處七寶堂阿僧祇寶師子座上，金剛伊尼羅寶以為座足，離垢寶藏而以校飾，五百寶像以為莊嚴，建眾寶幢、垂寶繒幡、張眾寶帳，無量寶網羅覆其上。有人手執閻浮檀金蓋，瑠璃為竿，復有執持離垢寶拂侍立左右，眾妙雜香而以熏之，雨天華雲，作五百種勝妙妓樂娛樂。城內一萬大眾，周匝圍遶，顏容姝妙，天人無倫，成就菩薩直心，莊嚴眾生，悉常隨順甘露頂教，宿世同修諸善根故。
	智為先導廣弘利益眾生發心	爾時，善財頭面禮足，遶無數匝，恭敬合掌，於一面住，白言：大聖！我為利益一切眾生故，發阿耨多羅三藐三菩提心，所謂： 滅一切眾生苦惱，令安隱住，究竟快樂，度生死海，到法寶洲，消竭貪愛，修大悲念，除五欲渴，樂一切智，令究竟度生死曠野，常樂一切諸佛功德，超出三界至薩婆若城，而未知菩薩云何學菩薩行，修菩薩道，攝一切眾生？
甘露頂長者成就第四行位	發菩提心得善知識因緣	長者答言：善哉！善哉！童子！乃能發阿耨多羅三藐三菩提心。 若能發心學菩薩道、修菩薩行，此人難得；求善知識，見善知識，親近恭敬；於善知識，其心不退而無厭足。
	種種利益如其所需悉從空下	善男子！汝見我此一萬眷屬不？ 唯然，已見。
		我本為彼說種種法，令發阿耨多羅三藐三菩提心，生如來家，修白淨法，滿足無量諸波羅蜜，具佛十力；離世間姓、立如來姓；壞生死輪、轉淨法輪；滅三惡道、立正法趣。善男子！當知菩薩悉能救護一切眾生。
		善男子！我成就此如意功德寶藏法門，隨其所須悉滿彼願，謂以眾寶、車乘、象馬、僮僕、衣服、飲食、香華、末香、燈明、湯藥、幢幡、繒蓋、隨意眷屬、天冠、寶飾、一切珍玩、資生之具，盡給施之，乃至以法廣施眾生。
		善男子！且待須臾，汝自見之。
		即時，善財見諸方國、城邑、聚落，一切眾生來詣其所，悉命令坐。
		時，甘露頂仰視虛空，隨諸來會一切所須，悉從空下，滿足其願；
	既充願已為說正法	既充願已，為說正法，悉令長養諸功德藏，消生死愛，渴仰佛法，乃至具足大人味味之相；滅貧窮苦，富甘露財，降伏眾魔，無能壞者，成就十力無上智慧；如是等類，悉滿願已，皆大歡喜，隨所來方各還本處。

入法界品善財童子五十三參之第十四會甘露頂長者(四行)之二

甘露頂長者成就第四行位	自法門	善男子！我唯知此如意功德寶藏法門。
	自宗門——依十波羅蜜精進	諸大菩薩具足一切自在功德，成就寶手，覆一切刹，雨無量雲；謂：
		眾寶雲、
		種種色莊嚴雲、
		種種色寶天冠雲、
		種種色衣雲、
		種種妙聲雲、
		種種華雲、
		種種周羅摩尼寶雲、
		種種色香雲、
		種種色蓋雲、
		種種色幢幡雲，
		皆悉充滿一切世界、一切佛刹、一切諸佛及其眷屬，為教化一切眾生，令供養一切佛故；我當云何能知、能說彼菩薩行，顯其自在？
	推薦精進	善男子！於此南方，有城名師子重閣；彼有長者名法寶周羅；汝詣彼問云何菩薩學菩薩行、修菩薩道。

入法界品善財童子五十三參之第十五會法寶周羅長者(五行)之一

會 處		南方，師子重閣。	
善財童子參訪五行位	聞法信行	時，善財童子歡喜踊躍，頭面敬禮，遶無數匝，如弟子法。作如是念：因善知識得一切智，於善知識生無壞心，聞善知識教悉能隨順，調伏諸根。作是念已，辭退南行。	
	前法契入	爾時，善財童子正念如意功德寶藏法門，守護彼功德藏，淨彼功德須彌山王，得彼功德海之源底，開彼功德藏，觀彼功德藏，圓滿清淨彼功德藏，攝彼功德藏，出生長養彼功德藏力。	
	見善知識發心陳述	漸漸遊行，至於彼城，周遍推求長者法寶周羅，於道遇見，頭面禮足，合掌恭敬，於一面住，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道？	
法寶周羅長者成就禪定波羅蜜入法界行	陳述已修令善財觀察微細成就		
	善報宅其十種般若波羅蜜依禪定位之成就	佛	爾時，善財見最下重設眾肴膳，惠施一切。(禪定波羅蜜本體)
		法	見第二重施雜寶衣。(法用)
		僧	見第三重施惠一切寶莊嚴具。(顯相)
		精進	見第四重施內眷屬，悉履善行，巧於語言。
		禪定	見第五重乃至五住菩薩雲集其中，結集正法，離世間樂，出一切論諸陀羅尼三昧法印，分別三昧智慧光明。
		般若	見第六重得般若波羅蜜菩薩充滿其中，具甚深智，得寂靜明智慧藏地無礙法門，超出三有境界無礙，念不二法，結集般若波羅蜜門，分別解說般若波羅蜜門，所謂：(凡十一波羅蜜，寂滅藏般若波羅蜜門為首)
		十住位禪定成就	寂滅藏般若波羅蜜門、
			分別一切眾生般若波羅蜜門、
			不動轉般若波羅蜜門、
			離欲普照般若波羅蜜門、
			不可壞藏般若波羅蜜門、
			一切眾生淨眼般若波羅蜜門、
			海藏般若波羅蜜門、
			普眼般若波羅蜜門、
			一切無盡方便海般若波羅蜜門、
			隨順眾生普照無礙般若波羅蜜門、
			慶雲漸下般若波羅蜜門，
		…結集如是等百萬阿僧祇般若波羅蜜門，彼菩薩眾不可說莊嚴而莊嚴之；	
		方便	見第七重響忍菩薩充滿其中，出方便智，悉能聞持諸佛法雲；
	願	見第八重常住菩薩充滿其中，具諸神通，遍一切剎，照一切眾生、一切法界，具足法身，詣一切佛無所障礙，悉能受持一切佛法，	

入法界品善財童子五十三參之第十五會法寶周羅長者(五行)之二

法寶周羅長者成就禪定波羅蜜入法界行	成就舍宅	力	見第九重補處菩薩充滿其中，
		智	見第十重一切如來充滿其中，從初發心，修菩薩行，超出生死，滿足大願，神力自在，一切佛刹及其眷屬轉淨法輪，化度眾生顯現住持。
	往昔禪定成就修法因緣		爾時，善財見如是等奇特事已，白言：大聖！我未曾見如是清淨大眾，昔於何處種諸善根，今得如是勝妙果報？
			善男子！我憶過去無量光明法界普莊嚴王如來、應供、等正覺、明行足、善逝、世間解、無上士、調御丈夫、天人師、佛、世尊，出興于世。彼佛入城，我以香華妓樂而供養之；供養已，持此善根迴向三處，謂：滅除貧苦、常見諸佛菩薩及善知識、恒聞正法故獲斯報。
	自法門		善男子！我唯知此滿足大願法門。
	自宗門——十波羅蜜精進	佛	諸大寶海菩薩得不可壞清淨法身、
		法	不可壞法雲普覆一切、
		僧	具足成就不可壞功德、
		精進	不可壞大功德網普覆一切、
		禪定	入不可壞三昧境界、
		般若	具足菩薩不可壞善根、
		方便	住不可壞如來所住、
		願	不可壞智慧究竟三世、
		力	住一切劫而無疲倦、
		智	住不可壞普眼境界地、
			我當云何能知、能說彼功德行？
	推薦精進		善男子！於此南方，有一國土名實利根，城名普門，彼有長者名普眼妙香；汝詣彼問云何菩薩學菩薩行、修菩薩道。

入法界品善財童子五十三參之第十六會普眼妙香長者(六行)之一

會 處		南方，實利根國，普門城；
善財童子參訪六行位	聞法信行	時，善財童子頭面敬禮法寶周羅足已，辭退南行。
	前法契入——禪定行成就	佛 爾時，善財童子思惟諸佛無量法門，
		法 逮得菩薩無量諸行，
		僧 菩薩無量妙方便道，普照身心；
		精進 樂求無量方便法門，
		禪定 成就菩薩清淨解脫，
		般若 菩薩無量清淨諸根，
		方便 菩薩無量諸清淨力；
		願 心隨菩薩無量諸行，
		力 出生菩薩無量大願力，
		智 逮得菩薩不可沮壞妙智慧幢，普照一切。
	見善知識	漸漸遊行，至於彼國，求普門城，心無休息，精進不退。念善知識，讚善知識，隨順善知識，諸根專向普門法門，遠離一切諸放逸行，開淨慧眼，度生死海。見普門城，百千小城周匝圍遶，高峻堅固，妙巧無比，種種莊嚴；見普眼妙香長者於此城中，坐眾香座。往詣其所，頭面禮足，恭敬合掌，於一面住。
	發心陳述	白言：大聖！我已先發阿耨多羅三藐三菩提心，而未知菩薩云何學菩薩行、修菩薩道？
普眼妙香長者成就般若波羅蜜世間行	讚歎發心	答言：善哉！善哉！善男子！乃能發阿耨多羅三藐三菩提心。
	（五位行法成就——總說，後十波羅蜜因果成就，以般若波羅蜜為行法利益眾生令入白法）	善男子！我知一切眾生病：風寒熱病及諸雜病、狂橫病、鬼著病、毒病、諸呪術病，如是等類一切諸病，我悉了知；隨其所應，皆能療治。（以般若智了知世間諸病苦）
		善男子！十方眾生諸有病者，來詣我所，我悉能治。除其患已，沐浴香湯，香華瓔珞，名衣上服而莊嚴之，肴膳飲食而供養之，無量珍寶而惠施之，然後為說種種法門：
		貪欲多者，教不淨觀；
		瞋恚多者，教慈心觀；
		愚癡多者，教法相觀；
		等分行者，教勝法門；
		稱揚讚歎諸佛功德，發菩提心故，
		說長養大悲，於無量生死苦，心不厭故；
		分別廣說諸波羅蜜，長養無量淨智慧故；
		說諸大願，教化成熟一切眾生故；
		說普賢菩薩行，顯現清淨尸波羅蜜故；
		說不可思議如來功德，顯現羼提波羅蜜故；
		說如來無壞清淨法身，顯現毘梨耶波羅蜜故；
		說如來無與等者，顯現如來禪波羅蜜故；
		說清淨法身，顯現般若波羅蜜故，

入法界品善財童子五十三參之第十六會普眼妙香長者(六行)之二

普眼妙香長者成就般若波羅蜜世間行	以般若波羅蜜為行法利益眾生令入白法		說一切淨法身，令一切眾生皆悉親見，顯現方便波羅蜜故；
			說於生死中，住一切劫，顯現願波羅蜜故；
			說嚴淨一切佛刹，顯現諸力波羅蜜故；
			說淨法身，隨其所應，悉令歡喜，顯現智波羅蜜故；
			說常樂見清淨法身，遠離一切不善法故。
			善男子！我以如是等種種法施，悉令滿足，歡喜而還。
	依報如香普熏法界	知十種香和合要法	善男子！我又善知和眾香法，所謂：不可稱王香、新頭香、勝香、覺香、明相香、沈水香、堅固香、栴檀香、雲香、不動諸根香，知如是等一切諸香。（正覺香法）
		普見諸佛所願皆滿	燒此香時，一心向佛，發大誓心，滿一切願，所謂：救護一切眾生，嚴淨一切佛刹，恭敬供養一切諸佛；乃至燒一丸香時，充滿十方一切法界，一切如來及其眷屬；（正法見佛）
		然香供養遍滿十方	香帳莊嚴一切法界，香宮殿、香垣牆、香樓閣、香欄楯、香却敵、香窓牖、香半月、香蓋、香幢、香幡、香網、香形像、香光明、香莊嚴具、香雲雨，莊嚴十方一切法界，一切諸佛及其眷屬。（利益法界）
	自法門		善男子！我唯知此令一切眾生歡喜普門法門，見一切佛身。
	自宗門精進		諸大藥王菩薩，若有聞見、親近、憶念、執持名號，皆悉不虛；其有見者，煩惱悉滅，得諸如來法之原底，滅除苦陰，永離一切生死恐怖，得無所畏，具一切智，破壞無量生死高山，安住正法。我當云何能知、能說彼功德行？
	推薦精進		善男子！於此南方，有城名曰滿幢，王名滿足，汝詣彼問云何菩薩學菩薩行、修菩薩道。

入法界品善財童子五十三參之第十七會滿足王(七行)之一

會 處	南方，滿幢大城。
聞法信行	時，善財童子頭面敬禮普眼妙香長者，遶無數匝，辭退南行。
前法契入	爾時，善財童子次第憶念諸善知識，正念思惟善知識教；復作是念：善知識者能攝取我，能守護我，令我不退阿耨多羅三藐三菩提。
	如是思惟，得大歡喜心、無量歡喜心、發清淨心、寂滅心、廣大心、莊嚴心、無著心、無礙心、虛空心、見諸佛菩薩心、自在心、順諸法心、於一念中充滿一切佛剎心、見如來心、念十力心，不捨諸佛善知識心。(得十六種心)
尋覓王處 表法深奧 不可易見	漸經人眾、城邑聚落，至滿幢城，問：滿足王今在何所？
	有人答言：今在正殿，行於王法，教化眾生。應攝取者而攝取之，應罰者罰，應治者治；諸有諍者，斷其諍訟；有恐怖者，施以無畏；讚歎不殺、不盜、不邪淫、不妄言、不兩舌、不惡口、不無義語、無貪、恚、癡。
遙見者表 善觀察亦 明法未契 入	爾時，善財遙見彼王處金剛師子座，阿僧祇寶而以莊嚴，無量寶像以為莊飾，種種香雲而普熏之，無量寶衣以敷其上；
	又復建立無量寶幢，無量寶幡周遍垂下，張眾寶帳；頂冠如意摩尼寶冠，閻浮檀金半月莊嚴；髮紺青色，耳普垂陁，身佩無價摩尼瓔珞，百千寶網羅覆其上；閻浮檀金蓋，眾寶為鈴，常出妙音；瑠璃為竿，夜光寶藏普照諸方。
	彼滿足王有大勢力，離諸怨敵，無量自在。一萬大臣各處常位，修理王事，勇將一萬持仗侍衛。
見法門境 界而生疑 惑	爾時，善財見無量眾生犯王法者，身被五縛，或斷手足，或截耳鼻，或挑雙目，或斬身首，或投沸灰；或疊纏油灌，以火焚之；以如是等無量楚毒而苦治之。
	爾時，善財作如是念：我為一切眾生故，學菩薩行，修菩薩道，今見此王行大惡逆，諸不善法；此乃惡中之惡，第一惡人。
空中有天 勸善思惟 智慧增進	作是念時，虛空有天而告之曰：善男子！汝當憶念普眼妙香善知識教。善財即時仰觀虛空而答之言：我常憶念！
	天又語言：若常憶念，何故疑怪？善男子！菩薩方便不可思議，菩薩智慧不可思議，攝取眾生不可思議，調伏眾生不可思議，教化眾生不可思議，愍念眾生不可思議，度脫眾生不可思議。
發心陳述	爾時，善財聞天教已，詣彼王所，頭面禮足，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道？
滿足王成 就第七行 位	時，滿足王王事訖已，手執善財，將入宮內，命就寶師子座，而告之曰：善男子！汝觀我家。
	善財即觀廣大無極七寶垣牆，周匝圍遶；七寶講堂，無量百千眾寶樓閣而莊嚴之；乃至不可思議摩尼寶網羅覆其上；五百侍女，端嚴如天，如上所說。
	善男子！見我此報所因業不？答言：已見。
	善男子！我成就菩薩幻化法門。
幻化法門 依根本智 起方便法	我此國土殺生、偷盜乃至邪見，諸群生類，不可教化離諸惡業，我為調伏，令解脫故，化作人眾，種種苦治，令捨十不善道，一切諸惡，具足十善，得究竟樂，發阿耨多羅三藐三菩提心，具足一切智。
	善男子！當知我身、口、意，乃至蟻子不生害心，何況人耶？人是福田，生諸善根。

入法界品善財童子五十三參之第十七會滿足王(七行)之二

第七方便行	自法門	善男子！我唯知此幻化法門。
	自宗門 十波羅蜜 精進	諸大菩薩得無生法忍，知一切有趣，皆悉如幻；知菩薩行，悉如變化；一切世間，悉如電光；一切諸法，皆悉如夢；深入無礙法界，具菩薩妙行，境界無礙，攝一切行，於無量旋陀羅尼而得自在。我當云何能知、能說彼功德行？
	推薦精進	善男子！於此南方，有城名曰善光，王名大光，汝詣彼問云何菩薩學菩薩行、修菩薩道。

入法界品善財童子五十三參之第十八會大光王(八行)之一

會 處		南方，善光城。
善財童子參第八行位	聞法信行	時，善財童子頭面禮足，遶無數匝，辭退南行。
	前法契入	爾時，善財童子一心正念彼王智慧幻化法門。觀一切法皆悉如幻，分別諸業，專求正法，一心思惟彼王變化，救度眾生；思惟世間一切如幻，分別了知三世願行悉如幻化，入淨法界。
	欲尋覓善知識起八種聞法善思維	漸經人眾、聚落、城邑、曠野諸難，心無疲倦，至善光城，問眾人曰：此城何名？答言：善光。
		爾時，善財作如是念：我善知識在此城中，我今必定見善知識，聞菩薩行、菩薩正法及諸法門；菩薩功德不可思議，境界不可思議，自在不可思議，平等法門不可思議，勇猛之力不可思議，我今必聞菩薩究竟境界。作是念已，入善光城。
	成就尋求大光王莊嚴（自性三寶成就十波羅蜜）	正覺顯相——佛
		見城七寶無量莊嚴，七重深塹周匝圍遶，八功德水盈滿其中，底布金沙，優鉢羅、鉢曇摩、拘牟頭、分陀利華遍滿其中。七寶垣牆，七重圍遶，
		所謂：金剛師子垣牆、不可壞金剛垣牆、精進金剛垣牆、不可壞精進垣牆、無底金剛垣牆、淨網垣牆、離欲清淨金剛垣牆；是七重垣牆，阿僧祇寶而莊嚴之。其城奇特，高峻廣大，十億街巷；一一街巷，各有無量億那由他阿僧祇人眾。（七金剛垣圍遶）
		正法顯相——法
		阿僧祇閻浮檀金樓閣，瑠璃寶網羅覆其上；
		不可思議白銀樓閣，赤真珠網羅覆其上；
		不可思議瑠璃樓閣，莊嚴藏摩尼寶網羅覆其上；
		不可思議玻瓈樓閣，離垢摩尼寶藏網羅覆其上；
		不可思議明淨寶樓閣，日藏摩尼寶網羅覆其上；
		阿僧祇因陀羅尼寶樓閣，妙寶光明網羅覆其上；
		阿僧祇堅固寶樓閣，夜光寶焰網羅覆其上；
		不可思議金剛樓閣，不可壞幢摩尼寶網羅覆其上；
		不可思議沈水栴檀樓閣，摩訶曼陀羅華網羅覆其上；
		如是等不可稱說妙寶樓閣，以種種網羅覆其上；
	僧	不可思議妙寶網，不可思議金鈴網，不可思議香網，不可思議華網，不可思議衣網，羅覆其上。又張不可思議諸妙寶帳，不可思議珍妙寶蓋以覆其上，建立不可思議雜寶幢幡而莊嚴之。當此城中有一樓閣，名曰眾生樂見無厭，阿僧祇摩尼寶而以莊嚴；彼大光王常處其中。（眾生樂見無厭樓閣即世間顯用）
	正報依報皆從自性成就起	爾時，善財於此一切嚴飾珍妙，心無染著，一心樂欲見善知識。
	大王顯相	見大光王處於法堂寶師子座，結跏趺坐，眾寶莊嚴，敷以寶衣，萬阿僧祇寶像以為莊嚴，種種妓樂而娛樂之。有二十八大人之相，八十種好而以莊嚴。
		身具金色，如明淨日，普照一切；如盈滿月，眾宿中明；如梵天王，處於天眾；如大海中，有眾珍寶；如雪山中，出諸良藥；如大龍王，雷震諸法實相音聲；如虛空，清淨不受塵垢；如須彌山四種寶色，普照眾生性海；譬如寶洲，智寶充滿
	珍寶	彼王殿前及諸街巷，城四門外，處處安置眾珍寶聚及諸寶衣；無量億那由他諸采女眾，容飾端嚴，五欲無倫，姿好巧妙，迴動天人，六十四術，無不備舉。無量乳牛，其角金色，乳味甘香，一轂一石。

入法界品善財童子五十三參之第十八會大光王(八行)之二

善財童子	大王顯相	九種利益眾生	又有無量諸莊嚴具，種種甘香百味肴膳，無量音樂，及諸湯藥，資生之具。一一街巷，兩邊各有二十億菩薩，以此一切資生之具而用惠施；攝眾生故，悅眾生故，淨眾生心故，滅眾生煩惱故，令諸眾生解實義故，安立眾生一切智故，令眾生離惡心故，拔出眾生邪見刺故，淨眾生業道故。
	發心陳述		爾時，善財五體敬禮大光王已，右遶一匝，於一面住，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道，我聞大聖善能解說，唯願敷演。
大光王成就第八行位願波羅蜜入世間法界	大慈三昧本體智（佛）	根本智成就	答言：善男子！我成就菩薩大慈幢行清淨滿足。我於無量不可說不可說諸佛菩薩所，聞此妙法，觀察清淨，修習莊嚴。
		依根本智利益眾生	善男子！我住此行，如法治國，觀察眾生，順行世間。如法教化眾生，攝取眾生，安置眾生，饒益眾生；如法熏眾生，如法教眾生，令修善根，觀法真實。 令諸眾生得慈心、大慈心、大慈力心、饒益心、離恐怖心、攝眾生心、不捨眾生心，發於大願滅諸苦心。安隱眾生令得快樂，身心柔軟，遠離心垢，捨生死樂，常樂正法，除煩惱垢，得清淨心。以一切善熏眾生心，斷生死流，入深法海，滅諸有趣；出無礙心，得一切智，淨諸心海，信力堅固，無能壞者。
		迴向所有眾生	善男子！我以如是安住此行，如法治國，令諸人民離眾怖畏。有貧窮者來至我所，隨所求索，常開庫藏而告之曰：恣意取之，勿作眾惡。
	隨心現量（法）	妙光城眾皆大乘成就	此城眾生悉向大乘，各見此城種種不同，或見垢穢，或見清淨，或見木石，或見瑠璃，或見無壞幢牆周匝圍遶；或見不可思議樓閣，阿僧祇寶而以莊嚴；以正直心修諸善根，於諸佛所求一切智，為我宿世所攝眾生修菩薩行者，乃見此城眾寶嚴淨，餘見垢穢。
		大慈三昧法爾如是	善男子！此城眾生五濁惡時，行諸不善，我愍念彼，入於菩薩大慈為首順世三昧；入此定時，彼諸眾生惡心、惱心、諍心、害心皆悉除滅，所以者何？此三昧力，法如是故。
			善男子！且待須臾，汝自見之。（依四智成就示自境界）
		三昧成就	時，王即入大慈為首順世三昧，入已，善光大城六種震動，諸寶垣牆、樓閣、宮殿、欄楯、窓牖、却敵、半月、寶鈴、羅網，諸寶形像出妙音聲，讚歎彼王；其城內外一切人民，皆大歡喜，一心合掌，敬禮彼王；（本體成就）
		依於三昧生諸依報	諸畜生等，慈心相向，亦禮彼王；山原樹林，皆悉曲躬而向彼王；河池泉流，皆悉向王；一萬龍王興黑重雲，雷震曜電，雨眾香水；一萬釋天王、夜摩天王、刪兜率天王、化自在天王、他化自在天王等，……（法用成就）
		出生世間	於虛空中作億那由他妓樂音聲；阿僧祇天采女，眾妙音歌頌，雨阿僧祇華雲、香雲、末香雲、鬘雲、蓋雲、雜色衣雲，阿僧祇寶幢幡蓋莊嚴虛空，供養彼王；伊那槃那龍王敷大蓮華，普覆虛空，垂阿僧祇妙綵繒帶，阿僧祇寶而莊嚴之，阿僧祇寶鬘瓔珞，天莊嚴具，諸妙華香，充滿虛空，供養彼王；阿僧祇天女，充滿虛空，稱讚彼王；（世間成就）
		迴向十方成就	阿僧祇羅刹鬼等，常在大海閻浮提住，飲血食肉，水陸惡獸，常害眾生，皆得慈心及寂靜心，明信後世，遠離諸惡，心大歡喜，五體投地，敬禮彼王，皆得無量身心快樂；阿僧祇毘舍闍鬼及四天下毒害眾生，三千大千世界乃至十方各百萬億那由他世界中毒害眾生，亦復如是。（精進成就）

入法界品善財童子五十三參之第十八會大光王(八行)之三

大光王成就第八行位入世間法界	自法門	時，大光王從三昧起，告善財言：善男子！我唯知此菩薩大慈幢行三昧；
	佛	諸大菩薩以大慈蓋普覆救護一切眾生，
	法	
	僧	上、中、下品，等觀無二；
	精進	慈如大地，載育眾生；
	禪定	菩薩滿月，出功德光除眾惱熱；
	般若	菩薩淨日，智慧光明普照一切；
	方便	菩薩明燈，除滅重闇；
	願	菩薩淨水珠，滅眾生心海煩惱垢濁；
	力	菩薩如意寶珠，隨眾生心，悉令滿足；
	智	菩薩疾風，速令眾生修習三昧，入一切智城。
		我當云何能知、能說彼功德行，讚歎稱量彼功德山，觀彼功德，知大願風輪，得真實地，分別了知莊嚴大乘普賢菩薩之所修行及諸三昧，讚大悲雲？
	推薦精進	善男子！於此南方，有城名曰安住，有優婆夷名曰不動，汝詣彼問云何菩薩學菩薩行，修菩薩道。

入法界品善財童子五十三參之第十九會不動優婆夷(九行)之一

會 處		南方，安住城。	
善財童子參訪第九行位	聞法信行	時，善財童子敬禮彼王，遶無數匝，辭退南行。	
	前法契入——順善知識教得正念思惟	正念思惟善知識教	爾時，善財童子正念思惟大光王教，思惟菩薩大慈幢行，大慈為首隨順世間三昧；出生不可思議功德願力，長養菩薩不可思議堅固智慧；思惟菩薩不共之法，思惟不可思議諸法實相，思惟菩薩不可思議眷屬，思惟菩薩不可思議眾事。
		隨順信解	作是思惟已，得歡喜心、離欲心、極踊躍心、謙下心、離垢心、明淨心、堅固心、無畏心、無盡心。(九種心)
		善知識因緣出生	作是念時，悲泣流淚。復作是念：見善知識則能出生一切功德，起菩薩行，清淨正念陀羅尼，出生菩薩三昧光明，見一切佛雨諸佛法雲，分別解說菩薩諸願，出生菩薩不可思議智慧光明，長養菩薩堅固諸根。(八種善知識因緣出生)
		十種善知識功德	念善知識，能離險道；念善知識，開示正路；念善知識，順平等法；念善知識，顯摩訶衍；念善知識，究竟普賢菩薩所行；念善知識，現一切智城；念善知識，度一切法界海；念善知識，普照三世一切法海；念善知識，長養一切諸白淨法；念善知識，成滿一切諸賢聖法。(十種善知識普能功德)
		如來使天加持印可	善財如是悲心念時，如來使天隨菩薩天於虛空中而告之曰：善男子！其有隨順善知識教，諸佛歡喜！其有隨順善知識教，近一切智！於善知識教，心無厭故，一切諸義悉現在前。善男子！汝詣安住王城不動優婆夷所，是汝知識，不久當見。
	不動智慧及以慈悲知其因緣見其莊嚴	周遍尋覓聞法歡喜	爾時，善財從智慧光明三昧起，漸漸遊行至安住城，推問：不動優婆夷今在何所？時，有人言：善男子！不動優婆夷在其家內，父母守護，親近眷屬周匝圍遶，為無量眾演說正法。
		見其舍宅得五百三昧門	爾時，善財歡喜無量，即詣其門，入彼家內。見其宮殿金色光明，皆悉普照，觸斯光者，身心柔軟。爾時，善財光明觸身，即得五百三昧門，所謂：覺一切三昧門、奇特幢三昧門、寂靜三昧門、遠離一切眾生三昧門、普眼三昧門、如來藏三昧門。得如是等五百三昧門，身心柔軟，如七日胎。又聞妙香出過天人。前詣其所，合掌恭敬，一心觀察。
		前詣其所一心觀察智慧成就	見彼形色，天龍八部諸采女眾所不能及，十方世界一切女人無與等者；容色妙絕十方無倫，況有勝者？唯除諸佛。其宮殿嚴飾，十方世界無與等者；口出妙香，十方世界無與等者；其莊嚴具，十方世界無與等者；其眷屬眾，十方世界無與等者，何況有勝？除如來眾。
			如是勝妙，不令眾生起染著心；其有見者，除滅煩惱，如梵天王，欲界煩惱不現在前。其有得見此優婆夷，一切煩惱皆悉除滅，十方眾生樂觀無厭，除明行足。
見善知識歡喜讚歎	爾時，善財見彼女人不可思議法，不可思議三昧，不可思議無比妙色，無量光明網，一切無障，不可思議饒益眾生，不可窮盡諸眷屬海，觀察不可思議身，無有厭足。爾時，善財以偈頌曰：常持清淨戒，精進修忍辱，譬如盛滿月，星中獨明耀。(戒定慧成就)		
發心陳述	爾時，善財偈讚歎已，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道，我聞大聖善能解說，願為敷演。		

入法界品善財童子五十三參之第十九會不動優婆夷(九行)之二

不動優婆夷成就第九善法行	成就菩薩自在法門		爾時，彼女以善語、愛語答善財言：善哉！善哉！善男子！乃能發阿耨多羅三藐三菩提心。我成就菩薩無壞法門，修學菩薩堅固之行，得一切法平等地陀羅尼，得一切法平等法門，得離有莊嚴三昧。
	徵詢往昔成就本事		善財白言：菩薩無壞法門，乃至離有莊嚴三昧境界云何？
			善男子！是處難知，難說！
			善財白言：唯願大聖承佛神力，為我解說；我當因善知識，信知分別，正念觀察，一心隨順，遠離虛妄，解了平等。
	菩薩成就出世間本事	離垢劫	爾時，優婆夷答言：善男子！於過去世離垢劫中，有如來、應供、等正覺，號曰脩臂，出興於世；時，有國王名曰電光，我為王女。
		發法自在心	中夜寂靜，廢音樂時，五百侍女皆悉昏寐。我在樓上，仰觀星宿；見彼如來在虛空中，如寶山王；天、龍、八部不可思議大菩薩眾恭敬圍遶，放大光明網，普照十方。彼佛毛孔出微妙香；我聞是香，身體柔軟，心大歡喜，恭敬禮拜，一心合掌，仰觀彼佛，不見頂相，觀身左右，不見邊際，相好莊嚴，見無厭足。
			善男子！我於爾時作如是念：修何等業出生如是身、長養如是身、具足如是身、清淨如是身、自在如是身，光明眷屬諸莊嚴具，功德智慧三昧陀羅尼，諸辯才藏，不可譬喻？
		脩臂接引	善男子！時，彼如來知我心念而告我言：汝應發不可壞心，除滅煩惱；發勝妙心，不著一切有；發不懈怠心，隨順深入方便之法；發忍辱心，調伏眾生諸惡心海；發離癡心，遠離一切諸生死趣；發無厭心，見一切佛心無厭倦；發無知足心，悉飲一切諸佛法雲；發寂靜心，以一切佛方便，隨順世間；發守護心，護持一切諸佛法輪；發分別心，隨其所應，演說法寶，皆令歡喜。(十種發心)
		聞法證入	善男子！我於爾時，從彼如來聞此法教，清淨法門，求一切智，如來十力，所言不虛，光明莊嚴，清淨法身，相好莊嚴，如來眷屬，嚴淨佛刹，如來威儀，如來壽命；我發是心時，一切煩惱、聲聞、緣覺，金剛諸山所不能壞。
		發十起十二，種微細具足微塵等劫	善男子！我發此心已，於閻浮提微塵等劫，不生欲想，何況其事？
			於爾所劫，自於眷屬不生瞋心，何況餘人？
			於爾所劫，不生我見心，況我所心？
			於爾所劫，不生愚癡心，不生無記心，乃至胎中常起正念，何況餘時？
			於爾所劫，乃至夢中見一切佛，況十眼觀？
			於爾所劫，聞持一切諸佛法雲，未曾忘失一句，乃至世間語言尚不忘失，況如來語？
			於爾所劫，悉飲一切諸佛法海，乃至世法亦分別知，出生一切方便諸三昧門，心無虛妄；
			於爾所劫，受持一切諸佛法輪，於法輪中不失一法，乃至無有二智，除化眾生；
			於爾所劫，見一切佛海及諸化佛，於彼佛所，滿足大願；
			於爾所劫，於一切菩薩海所，具足出生清淨菩薩行海；
			於爾所劫，若有眾生得見我者，皆發阿耨多羅三藐三菩提心，乃至不生一念二乘之心；
			於爾所劫，於一切佛法，乃至一句一味，不生疑惑，無有二想，無虛妄想，無種種想，無染著想，無好醜想，無愛恚想。

入法界品善財童子五十三參之第十九會不動優婆夷(九行)之三

不動優婆夷成就第九善法行	成就本事	依根本智成就自在	善男子！我初發心來，常見諸佛菩薩及善知識，聞佛大願，修菩薩行，諸波羅蜜智慧，諸地無盡法藏；普入無量無邊一切世界，分別無量眾生界；不離清淨智慧光明，除滅一切眾生煩惱；長養發起眾生善根，隨其所應，悉能顯現；未曾捨離微妙音聲，其有聞者，皆悉歡喜。
	法門在神變——依根本智網入法	法門在神變——依根本智網入法	善男子！我入此無壞法門，觀察一切法平等陀羅尼，顯現無量自在神變，汝欲見不？
		法門在神變——依根本智網入法	唯然，欲見！
		法門在神變——依根本智網入法	爾時，不動優婆夷入萬三昧門，正念觀察，所謂：專求莊嚴正法心無疲厭三昧門，離癡莊嚴三昧門，十力三昧門，佛無盡藏三昧門。
		法門在神變——依根本智網入法	住如是等三昧門時，十不可說佛刹微塵等世界六種震動，淨如瑠璃；一一世界中，各見百億如來，一一如來，大眾圍遶，放大光明，普照十方；或現兜率天，或現於一切世界，以妙音聲轉淨法輪，乃至示現大般涅槃。
		法門在神變——依根本智網入法	時，優婆夷從三昧起，告善財言：善男子！汝見此不？
		法門在神變——依根本智網入法	唯然，已見。
	自法門	自法門	善男子！我唯成就此無壞法門，為一切眾生說微妙法，皆令歡喜。
	自宗門十波羅蜜精進	自宗門十波羅蜜精進	諸大菩薩遊行十方無有障礙；如金翅鳥王，悉得眾生大海源底，若見眾生有菩提因，從生死海而攝取之，安置菩提；譬如商人入大寶洲，專求如來十力大寶，遊生死海，教化眾生除滅煩惱；如明淨日，消竭愛水，開敷一切眾生蓮華；譬如疾風遊行十方，摧滅一切眾生邪見煩惱樹枝；譬如大地，長養一切眾生善根；如轉輪王，以四攝法攝取眾生。我當云何能知、能說彼功德行？
	推薦精進	推薦精進	善男子！於此南方，有一國土名不可稱，城名知足，有出家外道名曰隨順一切眾生，汝詣彼問云何菩薩學菩薩行、修菩薩道。

入法界品善財童子五十三參之第二十會隨順一切眾生外道(十行)之一

會 處		南方，不可稱國土；
善財童子參訪第十行位	聞法信行	時，善財童子頭面禮足，遶無數匝，辭退南行。
	前法契入	爾時，善財童子一心正念：彼優婆夷是我真善知識。念彼正教，念彼所說，念彼所發，念彼所開，念彼示現，念彼所歎，念彼所明，念彼廣演，念彼修習；隨順思惟修，遍修寂靜寂滅，照明觀察。
	城 周 遍 求 法	漸漸經由城邑、聚落，於日沒時，入知足城，周遍推求：隨順一切眾生外道今在何所？於中夜時，見彼城北有一大山，光明照耀如日初出。
	登 山 參 訪	爾時，善財天明出城，登彼山上，遙見外道靜處經行，成就妙色、超逾梵王，一萬梵天眷屬圍遶。往詣其所，頭面禮足，却住一面。
	發心陳述	白言：大聖！我已先發阿耨多羅三藐三菩提心，而未知菩薩云何學菩薩行、修菩薩道？
隨順一切眾生外道成就智波羅蜜行	讚歎發心	答言：善哉！善哉！善男子！乃能發阿耨多羅三藐三菩提心。
	成就普觀三昧法門	善男子！我已安住至一切處菩薩之行，成就普觀三昧法門，無依無作神足，以平等般若波羅蜜光明，觀察分別一切諸趣，一切眾生死此生彼，流轉諸有，種種雜類，形色好醜，種種欲樂，諸趣受生。
		所謂：天、龍、夜叉、乾闥婆、阿脩羅、迦樓羅、緊那羅、摩睺羅伽、地獄、餓鬼、畜生、閻羅王處、人、非人處。彼諸眾生或著邪見，或好二乘，或樂大乘。（示現世間種種相）
	十種利益眾生演說法	以妙智慧，種種方便饒益眾生。
		佛或教世間種種技藝，欲令眾生得諸巧術陀羅尼門；
		法或以四攝攝取眾生，欲令一切得薩婆若；
		僧或歎諸波羅蜜，欲令眾生得一切智迴向；
		精進或歎發菩提心，欲令眾生於諸善根不可沮壞；
		禪定或歎菩薩行，欲令眾生嚴淨佛刹，滿足大願，教化眾生；
		般若或說厭離法，欲令眾生知惡行果，受三塗苦；
		方便或說淨法欲，令眾生發歡喜心，於諸佛所植眾德本，得一切智果；
		願或歎如來、應供、等正覺，欲令眾生發弘誓願，一向專求清淨法身；
		力或歎如來功德，欲令眾生一向樂求佛無壞身；
		智或歎如來無比妙法，欲令眾生得佛一切無壞功德。
	以方便力示現同形隨機說法	復次，善男子！此知足城內一切人民，男女長幼，隨其所應，我悉化度，彼諸眾生莫知我誰；
	十方世界悉亦如是	此閻浮提九十六種外道邪見，我悉為彼種種說法，斷其邪見；
	自法門	三千大千世界乃至十方一切世界諸眾生海，以種種智方便法門，種種諸事，色像音聲，化度饒益，亦復如是。
	自 佛	善男子！我唯知此菩薩至一切處行法門。
	宗 法	諸大菩薩身與一切眾生數等，
	門 僧	悉得分別一切眾生身三昧，
		出生變化輪，

入法界品善財童子五十三參之第二十會隨順一切眾生外道(十行)之二

隨順一切眾生外道成就智波羅蜜行	自宗門——十波羅蜜精進	精進	遍遊一切世界，一切諸趣，
		禪定	普現十方一切眾生前；
		般若	其有見者，樂觀無厭，
		方便	悉能長養一切善根。
		願	住一切劫，不捨大願，
		力	得因那羅莊嚴光明之行，
		智	不著一切，專求實義，
		證入	隨順眾生，三世平等，(佛)
			照無我界，(法)
			具足無盡大悲之藏。(僧)
			我當云何能知、能說彼清淨行功德智慧？
	推薦精進		善男子！於此南方，有一國土名甘露味，彼有長者名青蓮華香，汝詣彼問云何菩薩學菩薩行、修菩薩道。